

Uorden da casa scola Laax

Sin il plaz da pausa / areal da scola

Velos, kickboards ed auters utensils en moda ein da tschentar els deposits previ.

→ Per mopeds datti il mument negins parcadis. Parcar gratuitamein ella garascha sutterrana ei scumandau!

Il temps avon che l'instrucziun entscheiva e las pausas passentein nus sils plazs da pausa indicai pils differents scalems.

Duront las pausas grondas dallas 09:50-10:10 uras e dallas 14:45-15:00 uras bandunein nus la casa da scola.

Duront las pausas ni duront singulas lecziuns libras astg'ins bandunar igl areal da scola mo cul consentiment d'ina persuna d'instrucziun.

Igl ei scumandau da star ella garascha sutterrana. Duvrar ils ascensurs ei mo lubiu en cass excepziunals cul consentiment dalla direcziun da scola.

Dar giugs da balla ei lubiu sulettamein sin las plazzas da sport previdas.

Material da giug e da termagliar ei da dustar el liug previu.

Fierer utensils e ballas da neiv ei scumandau sigl entir areal da scola.

Rumien ei da deponer els canaster da rumien.

Sigl entir areal da scola vala in scamond rigurus da carrar.

En casa da scola

Nus entrein pér suenter l'emprema scalinada ella casa da scola.

Avon ch'entrar en casa da scola schubergein nus nos calzers.

Duront il temps d'instrucziun eisi ruaus en casa da scola e sil plaz da pausa.

Mintga classa fa mo diever da lur atgna gardaroba. En nosa gardaroba vein nus uorden e nus tenin schuber ella. Objects da valeta deponin nus buc en gardaroba.

Igl ei scumandau da magliar e beiber els zulers.

Dar giugs da balla ellas stanzas publicas ei scumandau.

En tuttas stanzas cun excepziun dil luvratori eisi da purtar scalfins.

En halla da gimnastica ed el luvratori astg'ins mo entrar sut la survegionza d'ina persuna d'instrucziun.

En halla da gimnastica astg'ins mo purtar calzers da halla schubers cun solas che piardan buca la colur.

General

Violenza verbala e corporala vegn buca tolerada alla Scolaviva.

Nus vein quitaun dils indrezs, dil material da scola, dallas localitads e dil contuorn.

Nus respectein possess jester. Donns intenziunai vegnan reparai a cuost dils caschunaders.

Igl ei scumandau da prender cun ins e da consumar drogas (mieds narcotics, tubac, alcohol etc.).

Igl ei scumandau da prender cun ins armas e fiugs artificialis.

Nus purtein vestgadira schubra e che provochescha buca. Sco provocond vala vestgadira ch'expona il decoltaun, il venter ni il tgil.

Ins astga era visitar il post da consultaziun dalla lavur sociala da scola duront l'instrucziun. Avon eisi d'informar la persuna d'instrucziun da classa.

En casa da scola astg'ins ni veser ni udir apparats electronics **persunals**. Persunas d'instrucziun san slijar quei scamond per temps limitau per ch'ins sappi far diever da quels apparats persunals per intents da scolaziun.

Pils apparats electronics ch'eiin mess a disposiziun dalla scola vala il reglament intern dad IT.

Donns sco era cuntravenziuns encunter igl uorden da casa ein d'annunziar immediat ad ina collavoratura ni in collavoratur dalla Scolaviva.

Cuntravenziuns encunter igl uorden da scola vegnan sancziunadas definitivamein dalla persuna d'instrucziun da classa ni dalla direcziun da scola.

El senn d'ina convivenza pascheivla e d'ina instrucziun senza disturbis setenin nus vid quellas curvegna.

Laax, ils 9 da zercladur 2021



Sandra Cavelti-Trüssel
Menadra da scola EDK



Gianotti Daniele
Menader da scola EDK

